

Ո Ր Ո Շ ՈՒ Մ թիվ- 268
վարչական տույժ նշանակելու մասին

«20» հոկտեմբերի 2020թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Ջիմի Շեկլաշվիլիի վերաբերյալ նյութերը.

Պ Ա Ր Զ Ե Ց Ի՝

ՀՀ ՊԵԿ Արևելյան մաքսատան վարչության Բագրատաշենի բաժնի մաքսային կետով 05100033/200720/0027695 տարանցման հայտարարագրով <<Արմփաուեր>> ՍՊԸ անվամբ ՎՀ քաղաքացի Ջիմի Շեկլաշվիլիի կողմից վարվող PP599ZZ/BS925B պետհամարանիշի բեռնատարով ՀՀ ներմուծված ապրանքները և ուղեկցող փաստաթղթերը օրենքով սահմանված ժամկետում չեն հասցվել նշանակման վայր և առանց մաքսային մարմնի թույլտվության բեռնաթափվել են:

Փաստի առթիվ բեռնատարի վարորդ Ջիմի Շեկլաշվիլիի նկատմամբ ՀՀ մաքսային օրենսգրքի 195-րդ և 197-րդ հոդվածների հատկանիշներով կազմվել է մաքսային կանոնների խախտման վերաբերյալ արձանագրություն:

Վարույթի շրջանակներում Ջիմի Շեկլաշվիլիի բնակության վայրի վերաբերյալ տեղեկություն ստանալու համար հարցումներ է կատարվել <<Արմփաուեր>> ՍՊԸ և ՀՀ Ազգային անվտանգության ծառայություն:

Հարցմանը ի պատասխան՝ ՀՀ Ազգային անվտանգության ծառայությունը հայտնել է, որ պահանջվող տեղեկատվությունը ստանալու հնարավորություն չի ընձեռնվել:

Համաձայն սահմանահատման տվյալների՝ Ջիմի Շեկլաշվիլին 06.07.2020թ-ից ՀՀ Բագրատաշենի անցակետով բազմաթիվ անգամ հատել է ՀՀ սահմանը և ՀՀ-ում գտնվելու վայրը հայտնի չէ:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Գործի քննությունը կատարվել է նրա բացակայությամբ՝ հիմք ընդունելով ՀՀ մաքսային օրենսգրքի 219-րդ հոդվածի 2-րդ մասը:

ԵԱՏՄ մաքսային օրենսգրքի մասին պայմանագրի 14-րդ հոդվածի 1-ին կետի համաձայն՝ Միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ:

ԵԱՏՄ մաքսային օրենսգրքի մասին պայմանագրի 14-րդ հոդվածի 7-րդ կետի 1-ին ենթակետի համաձայն՝ սույն հոդվածի 1-ին և 3-րդ կետերում նշված, ինչպես նաև սույն հոդվածի 4-րդ կետում նշված ապրանքները, որոնք չեն ճանաչվել որպես Միության ապրանքներ՝ սույն Օրենսգրքի 210-րդ և 218-րդ հոդվածներին համապատասխան, գտնվում են մաքսային հսկողության տակ մինչև հետևյալ հանգամանքների ի հայտ գալը՝ սույն Օրենսգրքին համապատասխան՝ Միության ապրանքների կարգավիճակ ստանալը՝ բացառությամբ սույն հոդվածի 12-րդ կետով նախատեսված դեպքի:

ԵԱՏՄ մաքսային օրենսգրքի մասին պայմանագրի 150-րդ հոդվածի 1-ին կետի համաձայն «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է՝ 1) ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է. 2) ապահովել ապրանքների, մաքսային կապարակնիքների և կնիքների, կամ նույնականացման այլ միջոցների պահպանվածությունը, եթե այդպիսիք կիրառվել են. 3) առանց մաքսային մարմինների թույլտվության՝ թույլ չտալ «մաքսային տարանցում» մաքսային ընթացակարգին համապատասխան փոխադրվող (տրանսպորտով փոխադրվող) ապրանքների բեռնաթափումը, փոխաբեռնումը (վերաբեռնումը) և ապրանքների հետ այլ բեռնային գործողությունների կատարումը, ինչպես նաև այդպիսի ապրանքները փոխադրող տրանսպորտային միջոցների փոխարինումը՝ բացառությամբ սույն Օրենսգրքի 148-րդ հոդվածի 2-րդ կետով նախատեսված դեպքի:

<<Մաքսային կարգավորման մասին>> ՀՀ օրենքի 123-րդ հոդվածի 1-ին մասի 5-րդ կետի համաձայն՝ Հայաստանի Հանրապետության սահմանով տեղափոխվող ապրանքները և տրանսպորտային միջոցները, ըստ մաքսային ընթացակարգերի, մաքսային հսկողության տակ են՝ «Մաքսային տարանցում» մաքսային ընթացակարգի դեպքում՝ Հայաստանի Հանրապետության տարածք ներմուծման պահից մինչև այդ տարածքից արտահանման պահը:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը՝ առաջացնում է տուգանքի նշանակում՝ 100,000 դրամի չափով:

ՀՀ մաքսային օրենսգրքի 197-րդ հոդվածի համաձայն՝ մաքսային հսկողության ներքո գտնվող ապրանքների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցների փոխումն առանց մաքսային մարմնի թույլտվության՝ առաջացնում է տուգանքի նշանակում՝ այդ ապրանքների մաքսային արժեքի հիսուն տոկոսի չափով:

Համաձայն ՀՀ կենտրոնական բանկի պաշտոնական կայքէջի տվյալների՝ ՀՀ-ում 20.07.2020թ. դրությամբ 1 ԱՄՆ դոլարը կազմել է 482,81 ՀՀ դրամ, այսինքն 20.07.2020թ. դրությամբ 05100033/200720/0027695 տարանցման հայտարարագրով 3.998.572 ԱՄՆ դոլարը համարժեք է եղել 1.930.550.547 ՀՀ դրամին:

Այսպիսով, գործի նյութերով պարզվել է, որ համաձայն 05100033/200720/0027695 տարանցման հայտարարագրի <<Արմփաուեր>> ՍՊԸ անվամբ ՀՀ ներմուծված ապրանքները և ուղեկցող փաստաթղթերը օրենքով սահմանված ժամկետում չեն հասցվել նշանակման վայր և առանց մաքսային մարմնի թույլտվության բեռնաթափվել են, այսինքն՝ Զիմի Շեկլաշվիլին թույլ է տվել ՀՀ մաքսային օրենսգրքի 195-րդ և 197-րդ հոդվածներով նախատեսված մաքսային կանոնների խախտումներ, ինչը հիմնավորվում է մաքսային կանոնների խախտման արձանագրությամբ, թիվ 05100033/200720/0027695 տարանցման հայտարարագրով:

Վերոգրյալի հիման վրա և ղեկավարվելով ՀՀ մաքսային օրենսգրքի 196-րդ հոդվածով, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Զիմի Շեկլաշվիլիին (ծնված՝ 31.08.1986թ., բնակվող՝ ՎՀ, ք.Օգուրգետի, անձնագիր 18AB67120) ճանաչել զանցառու ՀՀ մաքսային օրենսգրքի 197-րդ հոդվածով, նրա նկատմամբ նշանակել տուգանք 05100033/200720/0027695 տարանցման հայտարարագրով ձևակերպված ապրանքների մաքսային արժեքների 50 տոկոսի չափով՝ 965.275.274 ՀՀ դրամ:

/վճարումը 900005024055 հաշվեհամարին կող 19/:

2. Զիմի Շեկլաշվիլիին ճանաչել զանցառու ՀՀ մաքսային օրենսգրքի 195-րդ հոդվածով, նրա նկատմամբ նշանակել տուգանք 100.000 ՀՀ դրամի չափով:

/վճարումը 900005024055 հաշվեհամարին կող 19/:

3. ՀՀ մաքսային օրենսգրքի 221-րդ հոդվածի համաձայն՝ որոշումն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71 հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքի 72-րդ հոդվածի 1-ին մասին 1-ին կետի համաձայն՝ 2 ամսվա ընթացքում ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ